

Beaivvi rohkos

1. adveantasotnabeaivi

Árbmugas Ipmil,

don boadát min lusa bestojumiin.

Mii rohkadallat:

Atte midjiide árpmu jagi

mas cuovkanan váimmut dálkkoduvvojit.

vealahuvvon olbmot friddjandahkkojuvvojit,

ja mii máidnut lávlumiin du Bártni Jesus Kristusa, Hearrámet,

guhte duinna ja Bassi vuoiŋŋain eallá ja ráđđe,

okta duohta Ipmil agálašvuodas agálašvuhtii.

Amen.

2. adveantasotnabeaivi

Oskkáldas Ipmil,

don leat lohpidan ahte it goassege beahte min.

Mii rohkadallat:

Nanne min oskku du lohpadusaide,

vai mii beasašeimmet eallit ja jápmit odđa almmi ja odđa eatnama doaivagis,

du Bártni Jesus Kristusa, Hearrámet, bokte,

guhte duinna ja Bassi vuoiŋŋain eallá ja ráđđe,

okta duohta Ipmil agálašvuodas agálašvuhtii.

Amen.

3. adveantasotnabeaivi

Ipmil, min doaivva,
don vuolggahit Gásttašeaddji Johanasa válmmaštit geainnu riikasat.

Mii rohkadallat:

Divtte eallima ádjagiid golggiidit,
ja duddjo ráfi ja vuoigatlašvuoda min gaskii,
Bártnát Jesus Kristusa, Hearrámet, bokte
guhte duinna ja Bassi vuoigantain eallá ja rádde,
okta duohta Ipmil agálašvuodas agálašvuhtii.

Amen.

4. adveantasotnabeaivi

Jesus Kristus, Ipmila Bárdni,
don njidjet min eatnamii
ja Márjá riegádahtii du, vai don bálvalivččet min.

Mii rohkadallat:

Atte midjiide du miellalági, amamet ohcat iežamet,
muhto bálvalit lagamuččamet ja addit iežamet du ráhkisvuoda háldui,
don guhte Áhčiinat ja Bassi vuoigantain ealát ja ráddet,
okta duohta Ipmil agálašvuodas agálašvuhtii.

Amen.

Juovlaruohtta

Ráhkis Ipmil,
don vuolggahit engeliiddát Betlehema gittiide juovlajja.

Mii rohkadallat:

Čuovgga midjiide seavdnjadasas
ja divtte min nugo báimmanat gávdnat geainnu Beastámet Jesus Kristusa lusa,
guhte duinna ja Bassi vuoigantain eallá ja rádde,

okta duohta Ipmil agálašvuodas agálašvuhtii.

Amen.

Juovlaidja

Árbmugas Ipmil,

don addet Bártnát njuorat mánnán olbmuid gihtii.

Mii rohkadallat:

Divtte min nugo Márjá ja Jovsset beassat
vuostáiváldit Jesusa ja oskkáldasat ráhkistit su,
guhte duinna ja Bassi vuoiññain eallá ja rádđe,
okta duohta Ipmil agálašvuodas agálašvuhtii.

Amen.

Juovlabeaivi

Ovddolaš Ipmil,

mii giitit ja máidnut du

guhte diktet Sáni šaddat olmmožin ja ássagoahtit min luhtte.

Mii rohkadallat:

Čájjet midjiide dan hearvásvuoda mii báitá du áidnoriegádan Bártnis,
vai mii engeliiguin ja olles du girkuin
beasašeimmet ávvudit bestojumi dihtii Jesus Kristusis, min Hearrás,
guhte duinna ja Bassi vuoiññain eallá ja rádđe,
okta duohta Ipmil agálašvuodas agálašvuhtii.

Amen.

Stefanusbeaivi / 2. juovlabeaivi

Bassi Ipmil,

mii giitit martyraid ovddas, geat adde heakkaset evangeliuma dihtii.

Mii rohkadallat:

Nanne buohkaid geat doarrádallojuvvojit oskkoset dihtii.

Oahpat min ráhkistit min vašálaččaid ja rohkadallat sin ovddas geat doarrádallet min,

Bártnát, Jesus Kristusa, Hearrámet, bokte,
guhte duinna ja Bassi vuoiññain eallá ja rádđe,
okta duohta Ipmil agálašvuodas agálašvuhtii.

Amen.

Sotnabeaivi juovllaid ja ođđabeaivvi gaskkas

Árbmugas Ipmil,

don diktet Bártnát šaddat rašes olmmožin.

Mii rohkadallat:

Jedđe min dego váibmoláđis eadni.

Várjal buot báhtareddjiid,

ja divtte min oaidnit friiddjavuoda ja bestojumi Jesus Kristusis,
guhte duinna ja Bassi vuoiññain eallá ja rádđe,
okta duohta Ipmil agálašvuodas agálašvuhtii.

Amen.

Ođđabeairuohtta

Agálaš Ipmil,

don doalat áiggi giedastat.

Mii rohkadallat:

Leage min luhtte go jahki molsašuvvá.

Atte midjiide boahhteáiggi ja doaivaga,

vai mii beasašeimmet eallit ja jápmit luhtedettiin

du Bárdnái Jesus Kristusii, Hearráseamet,

guhte duinna ja Bassi vuoiññain eallá ja rádđe,
okta duohta Ipmil agálašvuodas agálašvuhtii.

Amen.

Ođđabeaivi / Jesusa nammabeaivi

Buotveagalaš, agálaš Ipmil,

don attát bestojumi ja ráfi Jesusa nammii.

Mii rohkadallat:

Mieđuš min ođđa jahkái,

ja divtte buressivdnádušat čuovgat oppa eatnama ala.

Atte girkui oskku, vai mii sáhtášeimmet dovddastit Jesus Kristusa Hearrán,

guhte duinna ja Bassi vuoiññain eallá ja rádđe,

okta duohta Ipmil agálašvuodas agálašvuhtii.

Amen.

Kristusa almmustusbeaivi

Agálaš Ipmil,

don diktet nástti oahpistit viisáid Betlehemii.

Mii rohkadallat:

Čuvge midjiide dan geainnu man mii galgat vádjolit.

Divtte buot álbmogiid oaidnit du hearvásvuoda,

ja máidnut su gii buvttii bestojumi,

Bártnát Jesus Kristusa, Hearrámet,

guhte duinna ja Bassi vuoiññain eallá ja rádđe,

okta duohta Ipmil agálašvuodas agálašvuhtii.

Amen.

Almmustusáiggi 2. sotnabeaivi

Bassi Ipmil,

don diktet ráhkis Bártnát gásttašuvvot, vai son guottášii máilmmi suttu.

Mii rohkadallat:

Ođasmahte min min gásttas,
vai mii álo čuvošeimmet Jesus Kristusa, min Hearrá,
guhte duinna ja Bassi vuoiññain eallá ja ráđđe,
okta duohta Ipmil agálašvuodas agálašvuhtii.

Amen.

Almmustusáiggi 3. sotnabeaivi

Ipmil, sivdnideaddjámet,
don fálat midjiide juhkat eallima ádjagis.

Mii rohkadallat:

Atte midjiide goikku dan maññái maid don attát midjiide,
vai mii du rohkadalašeimmet vuoiññas ja duohtavuodas
Bártnát Jesus Kristusa, Hearrámet, bokte
guhte duinna ja Bassi vuoiññain eallá ja ráđđe,
okta duohta Ipmil agálašvuodas agálašvuhtii.

Amen.

Almmustusáiggi 4. sotnabeaivi

Jesus Kristus, váibmoláđis Hearrá,
don diktet čalmmehemiid oaidnit
ja čovdet sin geaid buohcuvuohta čanai.

Mii rohkadallat:

Veahket min go mii headisteamet čuorvut du,
vai mii beasašeimmet illudit du bestojumi dihtii,
don guhte Áhčiiinat ja Bassi vuoiññain ealát ja ráđdet,
okta duohta Ipmil agálašvuodas agálašvuhtii.

Amen.

Almmustusáiggi 5. sotnabeaivi

Jesus Kristus, min Beasti,

don oainnát min go mii leat headis ja váralašvuodas.

Mii rohkadallat:

Veahket min go eallin áitojuvvo, vai mii sáhtášeimmet luohtit du fápmui,

don guhte Áhčiinat ja Bassi vuoiŋŋain ealát ja ráđđet,

okta duohta Ipmil agálašvuodas agálašvuhtii.

Amen.

Almmustusáiggi 6. sotnabeaivi

Jesus Kristus, Ipmila Bassi,

don máhtát jorgalit čieruma ávvudeapmin ja morraša illun.

Mii rohkadallat:

Daga min gohccin, vai mii ozašeimmet du agálaš eallima sániid

eat ge goassege jorggihivčče dus eret,

don guhte Áhčiinat ja Bassi vuoiŋŋain ealát ja ráđđet,

okta duohta Ipmil agálašvuodas agálašvuhtii.

Amen.

Gilvisotnabeaivi

Eallima Ipmil,

árpmustat don leat gilván sánát min gaskii.

Mii rohkadallat:

Divtte min vuostáiváldit Sáni, vai dat šattašii ja láттаšii min siste

dan beaivvi rádjái go du riika ollašuvvá,

Bártnát Jesus Kristusa, Hearrámet, bokte,

guhte duinna ja Bassi vuoiŋŋain eallá ja rádđe,

okta duohta Ipmil agálašvuodas agálašvuhtii.

Amen.

Kristusa čilgejuvvoma beaivi

Bassi Ipmil,

don almmustahttet hearvásvuodát Jesus Kristusis.

Mii rohkadallat:

Veahket min čiekŋaleapput ohcat oskku čiegusvuodain,
vai mii beasašeimmet oaidnit du Jesus Kristusa ámadajus,
son guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Fástoláskkášsotnabeaivi / Sotnabeaivi ovdal fástu

Herrá Jesus Kristus,

ráhkisvuodas don addet iežat gillamuššii ja jápmimii min ovddas.

Mii rohkadallat:

Čájjet midjiide dan geainnu maid don vázzet,
vai mii beasašeimmet jápmit duinna
ja bajásčuožžilit agálaš eallimii,
don guhte Áhčiinat ja Bassi vuoiŋŋain ealát ja ráđđet,
okta duohta Ipmil agálašvuodas agálašvuhtii.

Amen.

Gutnagaskavahkku

Váibmoládis Ipmil,

don sáhtát čoavdit min suddus ja nohkavašvuodas.

Mii rohkadallat:

Oahpat min fástudit nugo don dáhtut.

Daga min bissovažžan rohkosis, oskkáldassan ráhkisvuodas
ja duodalažžan vuoigatlašvuoda soadis.

Atte máilbmái doaivaga Jesus Kristusa ruossa bokte,
son guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

1. fástosotnabeaivi

Herrá Jesus Kristus,
don girdet buot fillehusaid
ja vuitet soađi bahá vuostái.

Mii rohkadallat:

Oahpat min dán fástoáiggi eallit du sánis,
vai mii jorggihivččiimet eret buot bahávuodas ja čuvošeimmet du,
guhte Áhčiinat ja Bassi vuoiŋŋain ealát ja ráđđet,
okta duohta Ipmil agálašvuodas agálašvuhtii.

Amen.

2. fástosotnabeaivi

Suokkarmeanttun Ipmil,
don oainnát min eallima ja min rahčamušaid.

Mii rohkadallat:

Atte midjiide bissovaš oskku, amamet goassege luoitit du,
muhto vuordit du buressivdnádusa,
Bártnát Jesus Kristusa, Herrámet, bokte,
guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

3. fástosotnabeaivi

Buotveagalaš Ipmil,

don vuoittát buot bahá.

Mii rohkadallat:

Várjal min ja čoavdde min buot bahás,
vai mii beasašeimmet eallit čuovgasa mánnán,
Bártnát Jesus Kristusa, Hearrámet, bokte,
guhte duinna ja Bassi vuoigŋain eallá ja rádđe,
okta duohta Ipmil agálašvuodas agálašvuhtii.

Amen.

4. fástosotnabeaivi

Ráhkisvuoda Ipmil,
don addet Bártnát min suddid lonástussan.

Mii rohkadallat:

Jorgal min čalmmiid su guvlui go mii geahččaluvvot,
ja veahket min go mii leat heajut,
Jesus Kristusa, Hearrámet, bokte,
guhte duinna ja Bassi vuoigŋain eallá ja rádđe,
okta duohta Ipmil agálašvuodas agálašvuhtii.

Amen.

Márjjábeaivi

Oavddu Ipmil,
don diktet Bártnát šaddat olmmožin,
gean Bassi Vuoigna sahanahtii.

Mii rohkadallat:

Atte midjiide dan oskku mii Márjjás lei,
ja daga min jállun nugo son,
vai mii dagašeimmet du dáhtu ráhkisvuodas, ja máidnut du lávlumiin,
Jesus Kristusa, Hearrámet, bokte,

guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Pálbmasotnabeaivi

Jesus Kristus, vuollegis gonagas,
don bohtet min lusa, badjelgehččojuvvon ja geafin.

Mii rohkadallat:

Soabat min Ipmiliin ja guhtet guimmiideametguin.

Oahpat min luohpat das mii mis lea ja čuovvut du,
guhte Áhčiinat ja Bassi vuoiŋŋain ealát ja ráđđet,
okta duohta Ipmil agálašvuodas agálašvuhtii.

Amen.

Skilleduorastat

Herrá Jesus Kristus,
don addet iežat min suddid soabahussan
ja bovdet min bassi mállásiiddásat.

Mii rohkadallat:

Ovttastahte min iežainat láibbis ja viinnis.

Leage min lahka vaikko mii beahttit,
ja divtte min oppa girkuinat čoagganit du lusa du ollašuvvan riikii,
don guhte Áhčiinat ja Bassi vuoiŋŋain ealát ja ráđđet,
okta duohta Ipmil agálašvuodas agálašvuhtii.

Amen.

Guhkesbearjadat

Agálaš, árbmugas Ipmil,
don vuolggahit Bárnát gillát ja jápmit min dihtii.

Mii rohkadallat:

Raba min váimmuid ruossa čiegusvuhtii.

Divtte Kristusa ruossa šaddat doaivaga mearkan
máilmmis mas leat gillámuša ja bahávuođa mearkkat,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja ráđđe,
okta duohta Ipmil agálašvuođas agálašvuhtii.

Amen.

Beassášidja / Iditlávlu

Agálaš Ipmil, eallima álgu,

dán ija don čuoččáldahttet Kristusa hávddis ođđa eallimii.

Mii máidnut du du ráhkisvuođa ovddas mii lea gievrrat go jápmin.

Mii rohkadallat:

Čuovgga midjiide go idja lea seavdnjat, ja nanne min gástta árpmus,
Bártnát, Jesus Kristusa, Hearrámet, bokte,
son guhte duinna ja Bassi vuoiŋŋain eallá ja ráđđe,
okta duohta Ipmil agálašvuođas agálašvuhtii.

Amen.

Beassášbeaivi

Jesus Kristus, bajásčuožžilan Hearrá ja Beasti,
mii giitit ja máidnut du.

Don leat botken jápmima láhkkiid ja cuvken beargalaga fámu.

Mii rohkadallat:

Deavdde min váimmu iluin dan ealli doaivaga dihtii
maid don leat addán midjiide,
vai mii nugo nissonat hávddi luhtte duodaštivččiimet du bajásčuožžileami,
don guhte Áhčiiinat ja Bassi vuoiŋŋain ealát ja ráđdet,

okta duohta Ipmil agálašvuodas agálašvuhtii.

Amen.

2. beassášbeaivi

Bajásčuožžilan Beasti, Jesus Kristus,
don almmustahttet iežat olbmuide geat ledje čalmmehuvvan morrašis.

Mii rohkadallat:

Rávka min namain, doaje láibbi ja leike viinni,
vai mii dovdášeimmet du

ja ávvudvččiimet go don ealát ja leat min gaskkas,
don guhte Áhčiinat ja Bassi vuoiŋŋain ealát ja ráđdet,
okta duohta Ipmil agálašvuodas agálašvuhtii.

Amen.

Beassášáiggi 2. sotnabeaivi

Bajásčuožžilan Beasti, Jesus Kristus,
don geiget midjiide giedaidat go mii eahpidit.

Mii rohkadallat:

Atte midjiide oskku go mii eat ipmir,
vai mii ealášeimmet du bajásčuožžileami čuovggas
ja attášeimmet ándagassii min iežamet ja earáid beahttima,
don guhte Áhčiinat ja Bassi vuoiŋŋain ealát ja ráđdet,
okta duohta Ipmil agálašvuodas agálašvuhtii.

Amen.

Beassášáiggi 3. sotnabeaivi

Jesus Kristus, buorre báimman,
don dovddat min ja láidet min vanhurskkisvuoda bálgáid mielde.

Mii rohkadallat:

Várjal min buot váralašvuodain
ja oza min go mii čádjidit,
vai mii čoagganivččiimet du lusa du agálaš riikii,
don guhte Áhčiinat ja Bassi vuoiŋŋain ealát ja ráđđet,
okta duohta Ipmil agálašvuodas agálašvuhtii.

Amen.

Beassášáiggi 4. sotnabeaivi

Herrá Jesus Kristus,
don leat geaidnu, duohtavuohta ja eallin.

Mii rohkadallat:

Oahpat min ráhkistit guhtet guimmiideamet nugo don leat ráhkistan min,
ja nanne min dan doaivagis ahte mii beassat čoagganit du lusa du riikii,
don guhte Áhčiinat ja Bassi vuoiŋŋain ealát ja ráđđet,
okta duohta Ipmil agálašvuodas agálašvuhtii.

Amen.

Beassášáiggi 5. sotnabeaivi

Eallima Ipmil,

Bártnát Jesus Kristusa bokte don leat ásahan riikkat min gaskii.

Mii rohkadallat:

Bisut min ráhkisvuodastat, vai mii guottášeimmet valljugas šaddosiid,
dego duohta viidnemuora oavssit, Jesus Kristusis.

guhte duinna ja Bassi vuoiŋŋain eallá ja ráđđe,

okta duohta Ipmil agálašvuodas agálašvuhtii.

Amen.

Beassášáiggi 6. sotnabeaivi

Almmálaš Áhčči,

don gulat min rohkosiid.

Mii rohkadallat:

Šaddos du dáhttu eatnama alde.

Veahket min luohttit du ovddasmorrašii ja bidjat buot du ovdii,

vai Kristus ásašii oskku bokte min váimmuin,

son guhte duinna ja Bassi vuoiññain eallá ja rádđe,

okta duohta Ipmil agálašvuodas agálašvuhtii.

Amen.

Helloduorastat

Buotveagalaš Ipmil,

don leat bajidan Bártnát Jesus Kristusa

ja bidjan su olgeš giedat beallái.

Mii rohkadallat:

Atte midjiide Vuoiññat, vai mii

sárdnidivččiimet evangeliuma buot álbmogiidda,

dassá go Kristus máhccá ja ođasmahtta buot,

son guhte duinna ja Bassi vuoiññain eallá ja rádđe,

okta duohta Ipmil agálašvuodas agálašvuhtii.

Amen.

Sotnabeaivi ovdal hellodagaid

Bassi, ovddolaš Ipmil,

don it čájehan fámot riđus, muhto hearkkes jaskatvuodas.

Mii rohkadallat:

Vuolggat midjiide Vuoiññat, vai mii dovddiidivččiimet duohtavuhtii.

Divtte min nugo Márjá ja apoastalat oskkáldasat bissut ovttas rohkosis,

Bártnát, Jesus Kristusa, Hearrámet, bokte,

guhte duinna ja Bassi vuoiññain eallá ja rádđe,

okta duohta Ipmil agálašvuodas agálašvuhtii.

Amen.

Hellodatruohtta

Bassi Vuoigŋa,

boađe ja guoskkat min váimmuid,

vai du girku ođasmahttojuvvošii oskkus, doaivagis ja ráhkisvuodas,

Jesus Kristusa, Hearrámet, bokte,

guhte duinna ja Áhčiin eallá ja ráđđe,

okta duohta Ipmil agálašvuodas agálašvuhtii.

Amen.

Hellodatbeaivi

Bassi Vuoigŋa, min eallindahkki,

mii giitit ja máidnut du.

Don bohtet dolainat máhttájeddjiid badjelií hellodatbeaivvi

ja addet sidjiide viisodaga ja fámu.

Mii rohkadallat:

Doalat oskku ja ráhkisvuoda buollevažžan min gaskkas,

vai mii roahkkadit sárdnidivččiimet evangeliuma Jesus Kristusa, Hearrámet,

birra,

guhte duinna ja Áhčiin eallá ja ráđđe,

okta duohta Ipmil agálašvuodas agálašvuhtii.

Amen.

2. hellodatbeaivi

Bassi Ipmil,

don it geahča olbmuid hámi beallái,

muhto golggahat Vuoigŋat buot álbmogiid badjelií.

Mii rohkadallat:

Čájjet midjiide mii duohta ipmilbalolašvuohta lea,
ja láide min Jesus Kristusa lusa, gii lea ealli čázi ája,
son guhte duinna ja Bassi vuoiññain eallá ja ráđđe,
okta duohta Ipmil agálašvuođas agálašvuhtii.

Amen.

Golmmaoktavuoda sotnabeaivi

Golmmaoktalaš Ipmil,
min sivdnideaddji, beasti ja eallindahkki, mii rohkadallat:
Čuvge min jierpmi, ođasmahte min váimmuid
ja atte midjiide ealli oskku,
vai du girku sárdnidivččii Kristusa evangeliuma,
don guhte ealát ja ráđđet,
okta duohta Ipmil, agálašvuođas agálašvuhtii.

Amen.

Golmmaoktavuodaáiggi 2. sotnabeaivi

Eallima Ipmil,
don leat sivdnidan min eallit ovttas duinna
ja riegádahtán min ođđasis čázis ja Vuoiññas.

Mii rohkadallat:

Bisut min gástta árpmus, vai mii ealášeimmet Jesusa máhttájeaddjin,
son guhte duinna ja Bassi vuoiññain eallá ja ráđđe,
okta duohta Ipmil agálašvuođas agálašvuhtii.

Amen.

Golmmaoktavuodaáiggi 3. sotnabeaivi

Agálaš Ipmil, buot ilu ája,

don gohččot min mannat ja bovdet du stuorra headjamállásiidda.

Mii rohkadallat:

Ovttastahte min eahkedismálisbeavddistat

vai mii nannejuvvošeimmet vádjolettiin almmálaš headjamállásiidda,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja ráđđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 4. sotnabeaivi

Vuollegis Hearrá, Jesus Kristus,

don välljejit váivvášvuoda ja vuolideami.

Mii rohkadallat:

Láide min ráhkisvuoda geidnui,

amamet mii ohcat máilmmi riggodaga,

muhto váldit ruossamet ja čuovvut du,

guhte Áhčiinat ja Bassi vuoiŋŋain ealát ja ráđdet,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 5. sotnabeaivi

Árbmugas Ipmil,

don vuolggahit profehtaid duodaštit ja sárdnidit du dáhtu.

Mii rohkadallat:

Divtte girku leat duohtavuoda jietna máilmmis.

Várjal min vearri jienaid ja fillejeaddji sániid vuostái,

vai mii nannosit oskkošeimmet du árbmui,

Bártnát Jesus Kristusa, Hearrámet, bokte,

guhte duinna ja Bassi vuoiŋŋain eallá ja ráđđe,

okta duohta Ipmil agálašvuodas agálašvuhtii.

Amen.

Apoasttalbeaivi / Golmmaoktavuodaáiggi 6. sotnabeaivi

Bassi Ipmil,

don rávket ollismeahtun olbmuid apoasttalin.

Mii rohkadallat:

Rávka min du duođašteaddjin máilmmis.

Ráhkkanajte nissoniid ja dievdduid, mánáid ja boarrásiid,

vai mii livččiimet du girku ealli geađggit,

huksejuvvon duohta geađgejuolgái, Jesus Kristusii, Hearráseamet,

guhte duinna ja Bassi vuoiññain eallá ja rádđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 7. sotnabeaivi

Agálaš Ipmil,

don leat ipmil gii álo oainnát min.

Mii rohkadallat:

Čuorvvo min go mii dáhttut

čiehkádit olbmuid ovddas ja du ovddas,

vai mii oččošeimmet roahkkatvuoda

eallit oinnolaččat du árpmolaš muođuid ovddas,

Bártnát Jesus Kristusa, Hearrámet bokte,

guhte duinna ja Bassi vuoiññain eallá ja rádđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 8. sotnabeaivi

Árbmugas Ipmil,

don leat addán midjiide báhkkoma ahte mii galgat ráhkistit du ja lagamuččamet.

Mii rohkadallat:

Árvvasmahte min, amamet čohkket dávviriid alcceseamet,

muhto juogadit du attáldagaid lagamuččaideametguin,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja rádđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 9. sotnabeaivi

Váibmoládis Ipmil,

don čuoččáldahtát návccaheami

ja dubmet vuoiggalaččat ja ráhkisvuodain.

Mii rohkadallat:

Várjal min amamet dubmet iežamet ja earáid,

muhto diktit aivve du dubmet,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja rádđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 10. sotnabeaivi

Árbmugas Ipmil,

don rávkkat min jorgalussii.

Mii rohkadallat:

Váldde suttuvealggi mis eret,

ja oahpat min addit ándagassii guhtet guimmiidasamet.

Várjal min váibmoládismeahttunvuodas ja goavisvuodas,

vai mii beaivválaččat rabašeimmet iežamet
du ráhkisvuhtii Jesus Kristusis, Hearrásteamet,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Golmmaoktavuodaáiggi 11. sotnabeaivi

Ipmil, min lonisteadđi,
don čoavddát min suttu ja jápmima válldis.

Mii rohkadallat:

Várjal min iešráđálašvuodas,
vai mii válldášeimmet vuostái čovdojumi mii lea
du Bártnis Jesus Kristusis, Hearrásteamet,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Golmmaoktavuodaáiggi 12. sotnabeaivi

Oskkáldas Ipmil,
don it goassege vajálduhte mánáidat,
ja don diedát maid mii dárbbášit.

Mii rohkadallat:

Čoavdde min min morrašiin
ja oahpat min luohttit dasa ahte don anát mis fuola,
vai mii ozašeimmet du riikka,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Golmmaoktavuodaáiggi 13. sotnabeaivi

Vanhurskkis Ipmil,

don leat addán midjiide buot mii mis lea,

ja rávkkat min eallit dutnje gudnin.

Mii rohkadallat:

Atte midjiide viisodaga ja roahkkatvuoda

hálddašit dan maid mii leat ožžon dus,

vai min eallin attášii bistevaš šaddosiid,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja rádđe,

okta duohta Ipmil agálašvuodas agálašvuhtii.

Amen.

Viidnegárdesotnabeaivi / Golmmaoktavuodaáiggi 14. sotnabeaivi

Eallima Ipmil, girku Hearrá,

don leat rávkan min du viidnegárddi bargin.

Mii rohkadallat:

Hukse du girku ja nanne min min bálvalusas,

vai mii barggašeimmet iluin du ja lagamuččaideamet ovddas,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja rádđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 15. sotnabeaivi

Oskáldas Ipmil,

don ráhkistat min dego ráhkislaš eadni ja áhčči.

Mii rohkadallat:

Oahpat min guldalit du sániid,
vai mii rikkošeimmet ipmárdussii ja ráhkisvuhtii,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Golmmaoktavuodaáiggi 16. sotnabeaivi

Buot buorre vuoda Ipmil,
don gulat min váidalusaid.

Mii rohkadallat:

Jedde min gillámušas ja átestusas,
vai mii oččošeimmet fámu lohpadusas ahte don dagat buot ođasin,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Golmmaoktavuodaáiggi 17. sotnabeaivi

Agálaš Ipmil, min sivdnideaddji,
don čuoččáldahttet Jesusa hávddis.

Mii rohkadallat:

Atte girkosat fámu sártnidit eallima sáni jápmima máilmmis,
vai buohkat dorvvastivččiimet sutnje gii lea bajásčuožžileapmi ja eallin,
Jesus Kristus, Hearrámet,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Golmmaoktavuodaáiggi 18. sotnabeaivi

Ipmil min jedđejeaddji,
dus lea fápmu čuoččáldahttit buhcciid
ja addit midjiide ođđa fámu ja návccaid.
Mii rohkadallat:
Gillá minguin min buozalvasain ja givssiin,
ja ođasmahte min Bassi vuoŋŋat bokte,
vai mii vuordámušain ealášeimmet dan beaivái
go don ođasmahtát buot,
Bártnát Jesus Kristusa, Hearrámet bokte,
guhte duinna ja Bassi vuoŋŋain eallá ja ráđđe,
okta duohta Ipmil agálašvuodas agálašvuhtii.
Amen.

Golmmaoktavuodaáiggi 19. sotnabeaivi

Bassi Ipmil,
don leat čállán dáhtut juohke olbmo váibmui.
Mii rohkadallat:
Nanne min oskku dutnje,
vai mii juohke beaivvi vuostáiválddášeimmet dan vanhurskkisvuoda
maid don attát midjiide Bártnát Jesus Kristusa, Hearrámet, bokte,
guhte duinna ja Bassi vuoŋŋain eallá ja ráđđe,
okta duohta Ipmil agálašvuodas agálašvuhtii.
Amen.

Golmmaoktavuodaáiggi 20. sotnabeaivi

Agálaš Ipmil, ráhkisvuoda ája,
don leat sivdnidan min eallit ovttas duinna

ja guhtet guimmiideametguin.

Mii rohkadallat:

Hukse ráfi min ruovttuide

ja buressivdnit buot náittosdiliid, bearrašiid ja searvevuodaid.

Deavdde min ráhkisvuodainat, vai mii bálvalivččiimet du iluin,

Bártnát Jesus Kristusa, Hearrámet, bokte,

guhte duinna ja Bassi vuoiŋŋain eallá ja rádđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 21. sotnabeaivi

Vanhurskkis Ipmil,

don leat sivdnidan máilmmi ja almmustahtán du buori dáhtu midjiide.

Mii rohkadallat:

Várjal min jierpmehisvuodas ja vuovdáivuodas,

vai mii áimmahušašeimmet du sivdnádusa

ja juogadivččiimet eatnama riggodaga singuin geat gillájit,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja rádđe,

okta duohta Ipmil agálašvuodas agálašvuhtii.

Amen.

Golmmaoktavuodaáiggi 22. sotnabeaivi

Bassi Ipmil, eallima ája,

don leat sivdnidan máilmmi sániinat.

Mii rohkadallat:

Oahpat min eallit čuovgasa mánnán,

amamet beahhtit du ja lagamužžamet,

muhto čájehit váibmoládisvuoda sánii- ja daguiguin,

Bártnát Jesus Kristusa, Hearrámet bokte,
guhte duinna ja Bassi vuoiññain eallá ja ráđđe,
okta duohta Ipmil agálašvuođas agálašvuhtii.

Amen.

Golmmaoktavuodaáiggi 23. sotnabeaivi

Bassi Ipmil,

don álo gozihat min.

Mii rohkadallat:

Bovtte min geat dávjá leat fuollameahttumat,

vai mii livččiimet ráhkkanan,

ja vuorddášeimmet dan beaivvi go Jesus Kristus máhccá hearvásvuođas
dubmet elliid ja jábmiid,

son guhte duinna ja Bassi vuoiññain eallá ja ráđđe,

okta duohta Ipmil agálašvuođas agálašvuhtii.

Amen.

Duopmosotnabeaivi / Kristusa gonagasbeaivi

Bassi Ipmil,

don ásat allagasas ja bassivuođas

ja su luhtte geas lea cuovkanan váibmu ja gean vuoigŋa lea vuoliduvvon.

Mii rohkadallat:

Daga min gohccin, vai mii dovdášeimmet du buohkain geat gillájit.

Geahča árpmuin midjiide duomu beaivvi,

vai mii beasašeimmet boahit du riikka ávvui ja illui

beastámet Jesus Kristusa bokte,

guhte duinna ja Bassi vuoiññain eallá ja ráđđe,

okta duohta Ipmil agálašvuođas agálašvuhtii.

Amen.

Čuovgameassu

Agálaš Ipmil,

don sivdnidit čuovgga ja vuolggahit Bátrnát čuovggasin máilbmái.

Mii rohkadallat:

Ale divtte min vádjolit seavdnjadasas,

muhto divtte min eallit Jesus Kristusa, Hearrámet, čuovgasis,

son guhte duinna ja Bassi vuoiññain eallá ja ráđđe,

okta duohta Ipmil agálašvuodas agálašvuhtii.

Amen.

Ginttalmeassu, guovvamánu 2. b.

Agálaš Ipmil,

don sivdnidit čuovgga ja vuolggahit Bátrnát máilmmi čuovggasin.

Mii rohkadallat:

Raba min čalmmiid du bestojupmái,

vai mii nugo Hanna ja Márjá giittášeimmet ja mánnošeimmet du

Jesus Kristusa, Hearrámet bokte,

guhte duinna ja Bassi vuoiññain eallá ja ráđđe,

okta duohta Ipmil agálašvuodas agálašvuhtii.

Amen.

Sámi álbmotbeaivi, guovvamánu 6. b.

Ipmil, almmi ja eatnama sivdnideaddji.

don leat rávkan máilmmi álbmogiid leat oktan álbmogin Kristusis.

Giitu go mii buohkat beassat illudit iežamet árbbi ja máddariiddámet eatnama dihtii.

Mii rohkadallat:

Várjal ja láide sámi álbmoga,

ja atte buot álbmogiidda árvvolaš eallima vuoiggalašvuodas ja ráfis,
Bártnát Jesus Kristusa, Hearrámet, bokte,
guhte duinna ja Bassi vuoigŋain eallá ja rádđe,
okta duohta Ipmil agálašvuodas agálašvuhtii.

Amen.

Miessemánu 1. b.

Vanhurskkis Ipmil,
don leat rávkan min hálldašit eatnama ja ráhkistit guhtet guimmiideamet.

Mii rohkadallat:

Atte midjiide dáhtu juogadit du attáldagaid vuoigatlaččat.

Divtte min barggu šaddat buressivdnádussan buot olbmuide,
vai mii ovttas huksešeimmet servvodaga oktasáččat, vuoiggalaáččat ja ráfálaáččat,
Bártnát Jesus Kristusa, Hearrámet bokte,
guhte duinna ja Bassi vuoigŋain eallá ja rádđe,
okta duohta Ipmil agálašvuodas agálašvuhtii.

Amen.

Miessemánu 17. b.

Árbmugas Ipmil,
giitu min riikka ovddas gos mii ássat,
min vuodđolága ja min friddjavuoda ovddas.

Mii rohkadallat:

Gozit min riikka.

Basuhuvvos du namma min gaskkas.

Várjal min čeavláivuoda vuostái ja oahpat min leat guosseláddásat.

Atte buot máilmmi álbmogiidda ja našuvnaide árvvolaš eallima friddjavuodas
ja ráfis,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Mihcamárbeaivi / Jonssot, geassemánu 24. b.

Ipmil, sivdnideaddjámet,

don vuolggahit gásttašeaddji Johanasa válmmaštit du Bártni geainnu.

Mii rohkadallat:

Divtte min vuostáiváldit du árpmu ja duohtavuoda evangeliuma,

vai mii sárdnidivččiimet dan buot álbmogiidda,

Jesus Kristusa, Hearrámet, bokte,

guhte duinna ja Bassi vuoiŋŋain eallá ja ráđđe,

okta duohta Ipmil agálašvuodas agálašvuhtii.

Amen.

Bassi Ovlá beaivi / Olssot, suoidnemánu 29. b.

Árbmugas Ipmil,

don vuolggahit áirasiiddát áсахit girku Norgii.

Giitu go sáhtát atnit ollismeahttun olbmuid sárdnidit du sáni.

Mii rohkadallat:

Oahpat min hálldašit evangeliuma oskkáldasat.

Veahket min deaivvadit eará oskku olbmuiguin ráhkisvuodain ja árvvus
atnimiin,

Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja ráđđe,

okta duohta Ipmil agálašvuodas agálašvuhtii.

Amen.

Mihkalmas, čakčamánu 29. b.

Agálaš Ipmil, almmi ja eatnama Hearrá,
dus leat engelat ja olbmot du bálvalusas.
Mii giitit du go vuolggahat áirasiiddát
várjalit ja suddjet min bahás fámuid vuostái.
Mii rohkadallat:
Divtte min soahat oskku buori soađi,
vai mii dán eallima maŋŋil oččošeimmet oasi engeliid máidnunlávlagis almmis,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.
Amen.

Čakčagiittusbasit

Ipmil sivdnideaddjámet,
mii giitit du gii divttát eatnama guoddit šattuid
ja attát midjiide buot maid mii dárbbasit.
Mii rohkadallat:
Muittut beaivválaččat midjiide ahte buot mii lea sivdniduvvon, gullá dutnje,
vai mii giitevašvuodain válddášeimmet vuostái du attáldagaid
ja juogadivččiimet singuin geat gillájit heađi,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.
Amen.

Gáhtamuš- ja roHKosbeaivi, golggotmánu maŋimuš sotnabeaivi

Árbmugas Ipmil,
don leat sivdnidan min iežat gova mielde

ja hábmet min ođđasit sivdnideaddji giedainat.

Mii rohkadallat:

Atte midjiide suttuid ándagassii ja ođasmahte iežat gova min siste,
vai mii jorggihivččiimet dutnje ja ealášeimmet du buori dáhtu mielde,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Reformašuvdnabeaivi, golggotmánu 31. b.

Oskkáldas Ipmil,

don vuolggahit bestojumi evangeliuma min lusa.

Mii rohkadallat:

Sivdnit ealli oskku min sisa ja ođasmahte girkot.

Divtte du árpmu ja duohtavuoda sárdniduvvot buot olbmuide,
dassá go du riika ollašuvvá Jesus Kristusa, beastámet, bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.

Amen.

Hállemasbeaivi, skábmamánu vuosttaš sotnabeaivi

Buotveagalaš, agálaš Ipmil,

mii giitit du buohkaid ovddas geat leat sohtan buori soadi
ja bisuhan oskku.

Mii rohkadallat:

Atte midjiide du Vuoiŋŋa ja fámu, vai mii sáhtášeimmet eallit ja jápmit du siste

ja čuovvut sin geat leat mannan min ovddabeale,
Bártnát Jesus Kristusa, Hearrámet, bokte,
guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Muitobeaiivi

Agálaš Ipmil,

Don leat min doaivu ja min dorvu.

Mii rohkadallat:

Jedđe min go mii moraštit ja ohcalit ráhkkásiiddámet,
ja nanne min oskku, vai mii eallimis ja jápmimis dorvvastivččiimet dutnje,
Bártnát Jesus Kristusa, Hearrámet, bokte,
guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Sivdnádusa ovddas

Agálaš Ipmil,

don sivdnidit almmi ja eatnama ja buot heakkalaččaid.

Mii rohkadallat:

Divtte min illudit du sivdnádusa dihtii
ja raba min čalmmiid eallima ovdui,
amamet goaridit luonddu,
muhto vai mii giitosiin áimmahušašeimmet du attáldagaid
ja juogadvččiimet daid vuoiggalaččat,
Bártnát Jesus Kristusa, Hearrámet bokte,

guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Kristtalaš oktavuoda ovddas

Ipmil, min sivdnideaddji ja lonisteaddji,
don leat vuodđudan du girku eatnama ala.

Mii rohkadallat:

Ovttastahte min duohtavuodastat

ja daga ráhkisvuoda buollin min gaskkas,

vai mii ovttain mielain ja jienain dovddastivččiimet ahte Jesus Kristus lea

Herrá,

guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Vuoiggalašvuoda ja ráfi ovddas

Ipmil, min dorvu,

don leat sivdnidan buot olbmuid iežat gova mielde.

Mii rohkadallat:

Várjal min veahkaválddi ja sordojumi vuostái,

ale ge divtte min iežamet šaddat vuoigatmeahttunvuoda ja riiddu gaskaoapmin.

Divtte vuoiggalašvuoda ráđdet min gaskkas ja atte midjiide du ráfi,

Bártnát Jesus Kristusa, Hearrámet, bokte,

guhte duinna ja Bassi vuoiŋŋain eallá ja ráđđe,
okta duohta Ipmil agálašvuodas agálašvuhtii.

Amen.

Doarrádallojuvvon olbmuid ovddas

Ipmil, min suodjalus átestusain,
don leat buohkaid lahka geat doarrádallojuvvojit.
Mii rohkadallat:
Geahča du gillájeaddji girkot beallái.
Raba min čalmmiid,
amamet dagahit geasage gillámuša sin oskku dihtii.
Oahpat min atnit fuola buohkain geat bággehallet báhtarit,
Bártnát Jesus Kristusa, Hearrámet bokte,
guhte duinna ja Bassi vuoiŋŋain eallá ja rádđe,
okta duohta Ipmil agálašvuodas agálašvuhtii.
Amen.